

Հայկական Սովետական Հանրագիտարան (Soviet Armenian Encyclopedia) 4.djvu/374



Exported from Wikisource on 06 october, 2024 p.

Այս էջը սրբազրված չէ

Իշախատանչ հարուստ, խոնավ հողերում: Սնվում է բույսերի սերմերով, արմատներով, ար– մատավզիկով, ցողունով, ինչպես նաև անձրևորդերով, միջատներով: Վնասում է բանջարաբուստանային և դաշտային բույսերը, հատկապես ջերմոցներում: Տա– րածված է ՀՍՍՀ բոլոր շրջաններում: Պայ– քարի միջոցներն են՝ թունավոր գրավչա– նյութերի օգտագործում, որոնք հող են մտցվում 3–5 սմ խորությամբ մինչև ցան– քը կամ տնկումից հետո: Արդյունավետ է հողի աշնանային ֆումիգացիան: Ֆումի– գանտները հող են մտցվում 15 սմ խորու– թյամբ:

ԻՇԱԿԱԹՆՈՒԿ (Euphorbia), իշակաթնու– կազգիների ընտանիքի բույսերի ցեղ: Բազմամյա խոտաբույսեր են, թփեր, հազ– վադեպ՝ ծառանման և միամյա: Տերեւները հերթադիր են, ամբողջական: Ծաղիկները միասեռ են, պարզ ծաղկաբույլերը խմբվե– լով՝ կազմում են բարդ հովանոցանման ծաղկաբույլ: Պտուղը տուփիկ է՝ բաժան– ված 3 միասերմ մասերի: Հայտնի է մոտ 2000 տեսակ՝ տարածված ամենուրեք, առավելապես արեադարձային, մերձա– րևադարձային և բարեխառն գոտիներում: ՍՍՀՄ–ում աճում է Ի–ի մոտ 170 տեսակ, որից 29-ը՝ ՀՍՍՀ ցածրադիր կիսաանա– պատային գոտուց մինչև բարձր այլայան գոտին: Պարունակում է կաթնահյութ (որ– տեղից անվանումը), որը շատ տեսակների մոտ թունավոր է, առաջացնում է այրվածք– ներ, երկար ժամանակ չապաքինվող խո– ցեր, ազդում է

նյարդային համակարգի և սրտի վրա: Հատկապես արեադարձային տեսակների կաթնահյութը պարունակում է արժեքավոր նյութեր (կաուչուկ, գուտապերչ, խեժ են): Ի–ի որոշ տեսակներ դեղա– բույսեր են, որոշներն ունեն դեկորատիվ նշանակություն:

ԻՇԱՅՐ, գավառ Մեծ Հայքի Մոկք նահան– գում, Վանա լճից հարավ: Սահմանակից էր հս–ից Ռշտունից, արմ–ից՝ Իշայր Մյուս, հվ–ից՝ Իշոց, արլ–ից՝ Առանձնակ գավառ– ներին: VII դ. «Աշխարհացոյցում» հիշա– տակվում է որպես Մոկք նահանգի առա– ջին գավառը: Հետագայում կոչվել է Շնի– ձոր (Մոկսի և Իփզանի միջե): Արտաշես– յանների և Արշակունիների թագավորու– թյունների ժամանակ եղել է հայկ. պետու– թյան կազմում, այնուհետև անցել է պար– սիկներին (V դ.)՝ արաբներին (VII դ.), 885-ից եղել է Բագրատունիների, 908-ից հետո՝ Վասպուրականի թագավորության կազմում, XI դ. նվաճել են թուրք– սելջուկ– ները, XIII դ.՝ մոնղոլները, XIV–XV դդ.՝ Ակ– Կոյունլու և Կարա–Կոյունլու թուրք, ցեղերը, 1555-ից՝ օսմանյան թուրքերը: 1915-ի մայիսին ռուս, զորքերը հայ կամա– վորների օգնությամբ գրավեցին Ի., սա– կայն 1918-ի սկզբին նորից անցավ թուր– քերին: Միջին դարերում ի–ում, Կեցան գետի ձախ ափին, հայտնի էր Մ. Կանանց վանքը (հետագայի Ս. Ի»աշ վանքը): Ի. բոլոր ժամանակներում էլ ունեցել է հայ հոծ բնակչություն, որը բռնությամբ տե– դահանվել է 1915-ի Մեծ եղեռնի ժամանակ: Նրանց մի մասը գոհվել է գաղթի ճանա– պարհին:

ԻՇԱՆԹՈՒՐԱԵՎԱ Սառա Աբդուռահմա– նովնա (ծն. 1911), ուզբեկ սովետական դե– րասանուհի: ՄՍՀՄ ժող. արտիստուհի (1951): ՄՄԿԿ անդամ 1942-ից: 1927-ից աշ– խատում է Հ. Համզայի անվ. ուզբեկական դրամատիկական թատրոնում (Տաշքենդ): Լավագույն դերերից են՝ Դիլբար (Ֆաշենի «Երկու կոմունիստ»), Ջամիլա (Համզայի «Բայր և բատրակը»), Օֆելյա, Դեզդեմոնա (Շեքսպիրի «Համլետ», «Օթելլո»), Կատե– րինա (Ա. Օստրովսկու «Ամպրոպ»), Իո– կաստա (Սոֆոկլեսի «Էդիպ արքա»): Ար– ժանացել է ՄՍՀՄ պետ. մրցանակի (1949):

ԻՇԱՌՎՈՒՅՏ (Melilotus), ընդավորների ընտանիքի երկամյա, հազվադեպ՝ միամյա բույսերի ցեղ: Ունի մոտ 20 տեսակ, ՄՍՀՄ–ում (հիմնականում Կովկասում) 11 տեսակ: Ի–ի ցողունը կանգուն է, ճյու– դավորված, մինչև 3 մ բարձրությամբ: Տերեմերը եռլթակ են, ծաղկաբույլը՝ ող– կույզ, սպիտակ կամ դեղին ծաղիկներով, պտուղը՝ ունդ: Մշակության մեջ առավել տարածված են սպիտակ և դեղին Ի–ները: Ցրտադիմացկուն է, չորադիմացկուն, լավ է աճում կրով հարուստ հողերում: Հողը հարստացնում է ազոտով և օրգ. նյութե– րով: Արժեքավոր կերաբույս է՝ հարուստ սպիտակուցային նյութերով, վիտամիննե– րով, հանքային աղերով: Մեղրատու է: 1 կգ կանաչ զանգվածը պարունակում է 0,17, չոր խտրը՝ 0,44 կերային միավոր: Պատրաստում են սիլոս, խոտալյուր: ՄՍՀՄ–ում մշակվում է Ուրալում, Մերձ– բալթյան հանրապետություններում, Ղա– գախստանի հս. շրջաններում: Մշակովի բույսերի

ցանքերում Ի. մոլախոտ է: ԻՇԻՄ. գետ Ղազախսական
ՍՍՀ-ում և

ՌՍՖՍՀ-ում, Իրաիշի ձախ վտակը: Երկա- րություը
2450 կմ է, ավազանը՝ 177 հզ. կմ²: Սկիզբ է առնում
Ղազախսական մանրաբլուրների Նիյազ լեռներից:
ԻՇԻՆ Վլադիմիր Սավելևիչ (ծն. 31.12. 1931,
Լենինական), ասորի սովետական ինժեներ-Էլեկտրիկ:
ՍՄԿԿ անդամ 1962-ից: 1957-ին ավարտել է Երեանի
պոլիտեխնի- կական ինստ-ը: 1973-ից Երեանի միկրո-
Էլեկտրոնիկայի ԳՀԻ-ի գործարանի գլխ- խավոր
ինժեներն է: «Նաիրի» Էլեկտրոնա- յին հաշվողական
մեքենաների ընտանիքի՝ սերիական արտադրության մեջ
ներդր- ման աշխատանքների համար 1971-ին ար-
ժանացել է ՍՍՀՄ պետ. մրցանակի:

ԻՇԼԻՆՍԿԻ Ալեքսանդր Յուլևիչ [ծն. 24.7 (6.8).1913,
Մոսկվա], սովետական մեխա- նիկ: ՍՍՀՄ ԳԱ
ակադեմիկոս (1960): Ին- ժեներական
կազմակերպությունների մի- ջազգային ֆեդերացիայի
փոխ-պրեզի- դենտ (1971): Սոցիալիստական
աշխատան- քի հերոս (1961): ՍՄԿԿ անդամ 1940-ից:
Ավարտել է Մոսկվայի պետ. համալսա- րանը (1935),
որի պրոֆեսորն է 1944-ից: 1948-55-ին ՌԽՍՍՀ ԳԱ
մաթեմատիկայի ինստ-ի, 1964-ից մեխանիկայի
պրոբլեմ- ների ինստ-ի դիրեկտորն է: Մշակել է
դինամիկական կայունության յուրօրինակ տեսությունը
(1949): Կատարել է իներ- ցիալ նավագնացության և
ավտոմատ կա- ռավարման ընդհանուր տեսության բնա-

գավառի կարևոր ուսումնասիրություններ (1957–68):
Արժանացել է լենինյան մրր– ցանակի (1960):
Պարգևատրվել է Լենինի 2 շքանշանով: Երկ. MexaHHKa
mpocKonnHecKHx chctcm, M., 1963; HHepiiHajibHoe
ynpaBJiepaie 6ajypac- TiraecKHMH paiceTaMH, M., 1968;
Teopmi rncocKonoB, M., 1974.

ԻՇԻԱՆ, Միքայելյան Նիկողա– յոս Պողոսի (1881–
3.4.1915, գ. Հրիճ), հայ ազատագրական շարժման գոր–
ծիչ: Ավարտել է Շուշիի թեմական դպրոցը: Պատանի
հասակից տարվելով ֆիդայա– կան պայքարի
գաղափարով, 1904-ին մեկ– նել է Վանի վիլայեթի
գյուղերը և մասնակ– ցել ինքնապաշտպանական
մարտերին՝ թուրք, կառավարության և քուրդ ցեղա–
պետների դեմ: Երիտթուրքերի պետ. հե– դաշրջումից
հետո (1908) տեղափոխվել է վան, աշխատակցել
«Աշխատանք» թեր– թին, ընտրվել Քաղաքային ժողովի
ան– դամ: Հակամարտության մեջ մտնելով թուրք
իշխանավորների հետ՝ պաշտպա– նել է Վանի հայերի
շահերը, զարկ տվել կրթական գործին: Սպանվել է
Վանի ապ– բիլյան ինքնապաշտպանության նախօր–
յակին, կուսակալ Ջևդեթի հրամանով: ԻՇԻ»ԱՆ (Salmo
ischchan), սաղմոնների ընտանիքի ձուկ: Առաջացել է
կարմրա– խայտից և հատուկ է միայն Աեանա լճին:
Միջին մեծության ձուկ է, արծաթափայլ թեփուկներով,
մարմնի ամբողջ երկարու– թյամբ տարածված խոշոր, սև
պտերով, որոնց մեջ կարող են լինել նաև նարնջա– գույն
կամ բաց վարդագույն: Ի. բաժան– վում է 4 սեռի,
ձմեռային Ի. (S. i. isch– chan), ամառային Ի. (S. i.

alskivalis), գեղարքունի Ի. (S. i. gegarkuni) և բոջակ (S. i. danilevskii): Նշված 4 սեռի ձկներն ունեն ընդհանուր բնորոշ հատկանիշ՝ ստերջ ժամանակ արծաթափայլ են, չափավոր յուղալի, վարդագույն, համեղ մսով: Սևանի իշխան Երբ պատրաստվում են բազմանալու կամ նոր են ավարտել ձվադրումը, գունափոխվում են (բաց դեղնավունից մուգ դարչնա- գույն, նույնիսկ՝ սև), մաշկը հաստանում է, լորձապատվում, միսը սպիտակում է, համը՝ փոխում: Այդ վիճակում Ի. կոչվում է բ ա խ տ ա կ: «Բախտակացումն» ավելի ցայտուն է արտահայտվում արուների մոտ: Ձվադրումից 3–6 ամիս անց բախտակ Ի. նախկին տեսքն է ընդունում: Ի. սեռա- հասուն է դառնում 3–5 տարեկանում, երբեմն ավելի վաղ: Ձվադրման համար բույն է փորում և ձկնկիթը թաղում (բացի բոջակից): Ձկնկիթը զարգանում է 2–4 ամսում: Ձմեռային Ի. աչքի է ընկ- նում բութ դնշով, համարյա գլանաձև մարմնով, խոիկների գնդասեղանման առ-

About this digital edition

This e-book comes from the online library [Wikisource](https://wikisource.org)^[1]. This multilingual digital library, built by volunteers, is committed to developing a free accessible collection of publications of every kind: novels, poems, magazines, letters...

We distribute our books for free, starting from works not copyrighted or published under a free license. You are free to use our e-books for any purpose (including commercial exploitation), under the terms of the [Creative Commons Attribution-ShareAlike 3.0 Unported](https://creativecommons.org/licenses/by-sa/3.0/)^[2] license or, at your choice, those of the [GNU FDL](https://www.gnu.org/copyleft/fdl.html)^[3].

Wikisource is constantly looking for new members. During the realization of this book, it's possible that we made some errors. You can report them at [this page](#)^[4].

The following users contributed to this book:

-
1. [↑ https://wikisource.org](https://wikisource.org)
 2. [↑ https://www.creativecommons.org/licenses/by-sa/3.0](https://www.creativecommons.org/licenses/by-sa/3.0)
 3. [↑ https://www.gnu.org/copyleft/fdl.html](https://www.gnu.org/copyleft/fdl.html)

4. [↑https://wikisource.org/wiki/Wikisource:Scriptorium](https://wikisource.org/wiki/Wikisource:Scriptorium)